

Uunga siunnersuut:**Akileraaruserinermik ingerlatsineq pillugu Inatsisartut inatsisaata
allanngortinneqarneranik Inatsisartut inatsisaat**

(Nunat tamalaat kattuffiini akileraartussaatisinnginneq, akileraarutiniq agguassineq, ilanngarneqartussaataasut nalunaarutiginnittussaataanerannik maleruagassiornissamut Naalackersuisut piginnaatinneqarnerat aamma ernianik atorunnaarsitsineq il.il.)

§ 1

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-meersumi, tak. Namminersorlutik Oqartussat nalunaarutaat nr. 11, 3. november 2021-meersoq, Inatsisartut inatsisaatigut nr. 12, 1. december 2021-mi allanngortinneqartumi, Inatsisartut inatsisaat nr. 20, 21. november 2022-meersukkut kingullermik allanngortinneqartumi makku allannguutiginitteqarput:

1. § 10-p kingorna ilanngunneqarpoq:

”Immikkoortoq 1 a

Nunat assigiinngitsut kattuffii

Kapitali 3 a

Nunat assigiinngitsut kattuffiisa akiliisinneqannginnissaat

§ 10 a. Naalackersuisut isumaqatigiissuteqarnermikkut nunani assigiinngitsuni kattuffiit suliffeqarfiilluunniit akileraarutiniq akitsuutinillu pisussaaffinnillu allanik, akileraartarnermut akitsuusiisarnermullu inatsisini allaqqasunik oqilisaanneqarnissaat akiliisinneqannginnissaalluunniit akuerisinnaavaat, tamanna kattuffiup suliffeqarfiilluunniit siunertaata naammassinissaanut suliassaatalu isumannaarnissaanut pisariaqarpat.

Imm. 2. Taamaaqataanik pisinnaatitaaffeqartussatut akiliisinneqanngitsussatullu akuerineqarsinnaapput:

- 1) Kattuffinni suliffeqarfinnilu imm. 1-imi taaneqartuni aallartitatut atorfeqartut taakkulu ilaqaataat.
- 2) Paasisimasallit kattuffinni suliffeqarfinniluunniit imm. 1-imi taaneqartuni suliassanik suliaqartut.
- 3) Inuit saqitsaassutit sularineqarneranni, kattuffiit suliffeqarfiillu imm. 1-imi taaneqartut sinnerlugit peqataasut.

Imm. 3. Naalackersuisut isumaqatigiissutit manna aalajangersakkami taaneqartut naammassineqarnissai pillugit iliuusissat erseqqinnerusut aalajangerneqarnissaannut piginnaatinneqarput.”

2. § 30 a, imm. 2, ima oqaasertaqarpoq:

” *Imm. 2. § 30, imm. 1, nr. 4-mi 5-imilu aamma imm. 2-mit 5-imut aalajangersakkat taamatulli atuupput.*”

3. § 31, imm. 1, ima oqaasertaqarpoq:

” Aningaasarsianik § 30-mi taaneqartunik pisartoq Kalaallit Nunaanni akileraartussaajunnaarpat, paasissutissiisussaaitap qinnuigineqarnini malillugu § 30-mi § 30 a-milu taaneqartutut paasissutissiisutigissavai:

- 1) Pineqartup qaammatisiutit malillugit ukiup aallartinneranit piffissap akileraartussaajunnaarfimmi tungaanut aningaasarsiai,
- 2) soraarnerussutisiaqarnissamut inuunermulluunniit sillimmasiinermik aaqqissuussinermut akiligai, kiisalu
- 3) akileraarutit A-t uninngatinneqartut amerlassusii.”

4. § 32 ima oqaasertaqarpoq:

” **§ 32.** Paasissutissat aningaasarsianik pissarsisumut tunngasut § 30, § 30 a aamma § 31, imm. 1 naapertorlugit paasissutissiisutigineqartut assilineqarneri aningaasarsianik pissarsisup pissavai.”

5. § 33 ima oqaasertaqarpoq:

” **§ 33.** Naalakkersuisut paasissutissat §§ 30-32-mut, §§ 33 a-33 g-mut aamma §§ 35-39-mut naapertorlugit tunniunneqarnissaat, matumani ilanngullugit qanoq akuttutigisumik tunniunneqartarnissaat aamma ilisimatitsisussaaitaaneq pillugit maleruagassanik aalajangersaasinnaapput.

Imm. 2. Naalakkersuisut paasissutissiisussaaitaasut imm. 1 naapertorlugu paasissutissiinissaannut piunasaqaatit qasukkarneqarnissaat pillugu maleruagassanik aalajangersaasinnaapput.

Imm. 3. Naalakkersuisut aningaasarsiat pissarsisup aningaasarsiaatut A-tut isigineqanngitsut pillugit paasissutissat § 30 naapertorlugu immikkoortillugit tunniunneqarnissaat pillugu maleruagassanik aalajangersaasinnaapput. Naalakkersuisut tunniunneqartut piffissaq pisassanngorfiat qaangiutereersoq tunniunneqartut pillugit paasissutissat ukiumi sorlermi nalunaarutigineqarnissaat pillugu maleruagassanik aalajangersaasinnaapput.

Imm. 4. Naalakkersuisut kapitali una naapertorlugu inatsisinik piareersaanermi, naatsorsueqqissaarnermi ilisimatusarnermiluunniit atorneqartussanik nalunaarutiginnittussaaitaasut akileraaruseriffimmut paasissutissanik amerlanerusunik nassiussisarnissaat pillugu maleruagassanik aalajangersaasinnaapput.

Imm. 5. Paasissutissat imm. 4 naapertorlugu nalunaarutigineqartut akileraaruseriffiup qinnuigineqarnermigut Nunatsinni oqartussaasunut allanut, inatsisinik piareersaanermi, naatsorsueqqissaarnermi ilisimatusarnermiluunniit atorineqartussatut ingerlateqqissinnaavai.”

6. § 33 c, imm. 3, atorunnaarpoq.

7. § 33 d, imm. 2, atorunnaarpoq.

8. § 33 e, imm. 3, atorunnaarpoq.

9. § 33 f, imm. 2, atorunnaarpoq.

10. § 33 g, imm. 3, atorunnaarpoq.

11. § 36, imm. 2, atorunnaarpoq.

12. ” § 36-mi taaneqartutut kontumik pilersitsisoq, kontumik piginnittup inuup normuanik ingerlatseqatigiiffiilluunniit nalunaarsorneqarnerani normuanik nalunaarutiginnissaaq. Akileraartarnermut ingerlatsivik § 36 naapertorlugu kontumik piginnittup inuup normuanik nalunaarsuinermiluunniit normuanik nalunaaruteqartussaataasumut nalunaarutiginnissinnaavoq.”

13. § 37, imm. 2, atorunnaarpoq.

14. § 39, imm. 3, atorunnaarpoq.

15. § 40, imm. 5, ima oqaasertaqarpoq:

” *Imm. 5.* Ingerlatseqatigiiffiit suliffeqarfiillu, Aatsitassat pillugit ingerlatallu tamatumunnga pingaarutillit pillugit Inatsisartut inatsisaat, Erngup nukingata nukissiornermut atorineqartarnera pillugu Inatsisartut inatsisaat aamma Sermip erngullu niuernikkut iluaqutigineqarnissaat pillugu Inatsisartut inatsisaat naapertorlugit akuersissummik pigisaqartut aningaasarsianit akileraarutaat, matumani ilanngullugit iluanaarutisianit akileraarutaat Nunatta karsiata pisassarai. Tamanna ingerlatseqatigiiffiit, Aningaasarsianit akileraarutit pillugit Inatsisartut inatsisaanni kapitali 3 b-mi pineqartut iluanaarutisianit akileraarutaannut aamma aningaasarsianit akileraarutaannut aamma atuuppoq. Aningaasarsianit iluanaarutisianillu akileraarutininut taakkununga § 27 aamma § 43 naapertorlugit tapiliussat erniallu taamatulli aamma Nunatta karsiata pisassaralugillu akiligassarai.”

16. § 40, imm. 7, ima oqaasertaqarpoq:

” *Imm. 7.* Ingerlatseqatigiiffiit akileraarutaat kiisalu ernianit akileraarutit ukiumi aningaasarsiorfiusumi procentip akileraarusiissutip Aningaasarsianit akileraarutit pillugit Inatsisartut inatsisaanni § 61 naapertorlugu angissusilerneqartup, ukiumi aningaasarsiorfiusumi procentip akileraarusiissutip Aningaasarsianit akileraarutit pillugit Inatsisartut inatsisaanni § 62 naapertorlugu ullormi 1. januarimi innuttaasut amerlassusiannut naleqqiullugu angissusilerneqartup aamma ukiumi aningaasarsiorfiusumi procentip akileraarusiissutip Aningaasarsianit akileraarutit pillugit Inatsisartut inatsisaanni § 63 naapertorlugu angissusilerneqartup angissusii naapertorlugit Nunatta karsiata, kommunip akileraarfiusup kommunillu pisassaraat, taamaattorli tak. imm. 5 aamma 6.”

17. § 44-p kingorna ilanngunneqarpoq:

” **§ 44 a.** Aningaasarsianit akileraarutit pillugit Inatsisartut inatsisaanni § 2 naapertorlugu akileraartussaasoq iluanaarutisianik, atuisinnaanermut akiliutinik (royalty) ernianilluunniit, Aningaasarsianit akileraarutit pillugit Inatsisartut inatsisaanni kapitali 3 b, § 36 e imaluunniit §§ 88-92 malillugit, aammalu marloriaammik akileraarnissaq pinngitsoorniarlugu isumaqatigiissut naapertorlugu akileraarutissaviusunit amerlanerusunik akileraaruserneqartunik pissarsisimappat, aningaasat akileraaruseriffiup utertitsinissamik qinnuteqaammik tigusaqarnerata kingorna qaammatit arfinillit qaangiutsinnagit utertinneqassapput. Utertitsineq piffissap taassuma kingorna pippat, akileraartussaasup erniat § 44, imm. 4 naapertorlugu ernianut naapertuuttut pisassarai.

Imm. 2. Iluanaarutisianit akileraarutitik utertitsinissamut piumasaqaatinik naammassinnittoqarnera akileraaruseriffiup pissarsisumut tunngasut pissutigalugit misissorsinnaanngippagu imm. 1 naapertorlugu tunniussinissamut piffissaliussaq kipitinneqassaaq, pissarsisumut tunngasut misissuinissamut akornuserneqarunnaarnissaata tungaanut.

Imm. 3. Paasissutissat pigineqartut tunngavigalugit tunniussinissap annasaqarsinnaanermik kinguneqarnissaa akileraaruseriffiup nalilerpagu, akileraarutitik unerartitsinissamik piumasaqaat isumaqatigiinngissutigineqarpat sulilu Akileraarusiinernik aalajangiisartunit eqqartuussivinnilluunniit inaarutaasumik aalajangiiffigineqanngippat, tiguisussap qularnaveeqqusiinissaa akileraaruseriffiup piumasarisinnaavaa.”

18. § 45-p kingorna ilanngunneqarput:

” **§ 45 a.** Piffissami pineqartumi pisassarisat erniaat 100 kr.-uppata ikinneruppataluunniit akileraaruseriffik ernialersuinngissinnaavoq.

§ 45 b. Akileraaruseriffiup pisassarisanik ernialersuineq unitsissinnaavaa kiisalu ernialiuqqareertut tamakkiisumik ilaannakuusumilluunniit isumakkeersinnaallugit:

- 1) akileraaruseriffiup piffissami missingersuilluni angissusiliiffigisaani paasissutissat pigineqartut tunngavigineqarsimasut eqqunngitsuusorinarpata,
- 2) akileraaruseriffiup suliaq piffissaq naammaginaratumik sivisussusilik qaangiutsinnagu aalajangiiffiginngippagu, naak akileraaruseriffiup paasissutissat uppersaatillu pisariaqartut tamaasa tigoreeraluarlugit.”

19. § 47-p kingorna immikkoortumi “*Angissusiliineq nalinginnaasoq*” ilanngunneqarpoq:
 ” **§ 47 a.** § 47-mi malittarisassat atuukkaluartut, taamaattoq akileraartarnermut ingerlatsivik inernerusumik missingiinerup amigartoorutip naatsorsorneqarneranut sunniuteqartillugu, aningaasarsianit akileraarusiisarneq pillugu Inatsisartut inatsisaanni § 30, imm. 1, uniffiit pingajuat malillugu amigartoorutip atorneqarnerata kingorna ukiut insertitaqarfiusut aappaata naanissaa tikillugu, insertitanit akileraarusiussap missingerneqarneranut ilimasaaruteqarlunilu allanngortitsisinnaavoq.”

20. § 59, imm. 2, ima oqaasertaqarpoq:

” *Imm. 2.* Nalunaarutiginnittussaataasup akileraaruseriffimmit qinnuigineqaruni atortussat paasissutissanut nalunaarutigineqartussanut tunngaviusut nassitissavai, matumani aamma ilanngullugit paasissutissat suut nalunaarutigineqartussaannerinik aalajangiinissami atugassat.”

21. § 68-ip kingorna immikkoortumi “*Missingersuinikkut angissusiliineq*” ilanngunneqarpoq:
 ” **§ 68 a.** Akileraartussaasoq Aningaasarsianit akileraarutit pillugit Inatsisartut inatsisaanni § 36 b, imm. 1-imi, imaluunniit imm. 4-mi pineqartoq, akit nammineq aalajangersarlugit nuussinerit pillugit piffissaliussaq eqqorlugu uppersaatinik, Aningaasarsianit akileraarutit pillugit Inatsisartut inatsisaanni § 36 b, imm. 2 naapertorlugu suliaqanngippat, akileraaruseriffik nammineerluni nalunaarsuiffimmik tunniussinissamut piffissaliussap qaangiunnerani, akit nammineq aalajangersarlugit nuussinerit taakku, Aningaasarsianit akileraarutit pillugit Inatsisartut inatsisaanni § 36 a naapertorlugu ukiumut aningaasarsiorfiusumut tassunga tunngatillugu missingersuilluni angissusiliisinnaavoq. Uppersaatit Aningaasarsianit akileraarutit pillugit Inatsisartut inatsisaanni § 36 b, imm. 2, imaluunniit maleruagassat malillugit atuutilersinneqartut naapertorlugit suliarineqarsimallutillu tunniunneqarpata piffissaagallartillugu suliarineqartutut taamaallaat isigineqarsinnaapput.

Imm. 2. Akileraartussaasup akileraaruseriffiup uppersaatinik, Aningaasarsianit akileraarutit pillugit Inatsisartut inatsisaanni § 36 b, imm. 2 naapertorlugu misissuineranut atatillugu naatsorsuutinut il.il. tunngasunik § 58, imm. 1 naapertorlugu nassiusseqquneqarnini malinnngippagu, imm. 1 missingersuilluni angissusiliinermut tunngasoq atuutissaaq.

Imm. 3. Imm. 1 aammattaaq atuutissaaq akilerartussaataasooq aningaasarsianit akileraarusiisarneq pillugu Inatsisartut inatsisaanni § 36 b, imm. 4 ilaatinneqartillugu.”

§ 2

Inatsisartut inatsisaat ulloq 1. januar 2024 atuutilissaaq.

Namminersorlutik Oqartussat, ulloq xx. xxx 2023

XXXXXX

Naalakkersuisut siulittaasuat